

**U G O V O R**  
**o nabavci usluga – krećenje objekta Doma**

**Zaključen između:**

**1. “SAR” O.D. Sarajevo Sarajevo sa sjedištem u Sarajevu,** ulica Buka 1, ID broj: 4302261510007, koju zastupa vlasnik Sinanović Semir („Izvršilac“)

**i**

**2. Kantonalna javna ustanova Dom za djecu bez roditeljskog staranja,** ulica Bjelave 52., ID broj: 4200556690000, koju zastupa direktor Saudin Đurđević („Naručilac“)

**Član 1.**

Naručilac na osnovu ovog ugovora povjerava Izvršiocu usluge krećenja objekta KJU Dom za djecu bez roditeljskog staranja, prema uslovima navedenim u specifikaciji Naručioca i na osnovu prihvaćene Ponude Izvršioca (Broj ponude: 97/17 od 26.05.2017. godine) koja je kod Naručioca protokolisana pod brojem 1031/17 dana 26.05.2017. godine

Ponuda Izvršioca je sastavni dio Ugovora.

**Član 2.**

Ugovorne strane potpisom ovog Ugovora su saglasne da je cijena ugovorena u ponudi Izvršioca i iznosi **2.000,00 KM sa PDV-om**. Naručilac i Izvršilac su saglasni da navedena cijena ne uključuje troškove materijala, te je obaveza Naručioca da nabavi potrebni materijal za krećenje objekata Doma.

**Član 3.**

Naručilac se obavezuje da će cijenu iz člana 2. ovog ugovora platiti na račun Izvršioca na osnovu dostavljene uredne fakture Izvršioca, a prema pravilima trezorskog sistema plaćanja Ministarstva finansija Kantona Sarajevo.

**Član 4.**

Izvršilac nema pravo da naknadno ispostavi račun za bilo kakve dodatne troškove osim u slučaju da Naručilac nakon izvršenih usluga krećenja objekta Doma, ne zatraži izmjene i korekcije na istom.

**Član 5.**

Naručilac i Izvršilac su saglasni da je rok za završetak planiranih radova koji su specificirani u ponudi 20 ( dvadeset ) kalendarskih dana.

Izvršilac ima obavezu da obavijesti Naručioca o planiranim radovima najmanje 3 dana prije dana predviđenog za izvođenje radova, a Naručilac je obavezan da oslobodi prostor od svih stvari i omogući pristup izvođaču radova.

Po okončanju radova ugovorne strane će obavezno potpisati zapisnik o primopredaji u kojem će se konstatovati eventualni nedostaci s tim što prigovore na kvalitet izvedenih radova, Naručilac može naknadno dostaviti najkasnije u roku od 60 dana od dana primopredaje.

#### Član 6.

Ugovorne strane su saglasne da sve ono što nije u ovom ugovoru predviđeno, važe propisi iz Zakona o obligacionim odnosima.

#### Član 7.

Eventualne sporove proizašle iz ovog Ugovora, ugovorne strane će pokušati riješiti dogovorom, a u slučaju da isti ne mogu riješiti nadležan je Općinski sud u Sarajevu.

#### Član 8.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA NARUČIOCA

*Alurđević*

Broj: 1183/17  
Sarajevo, 13.06.2017. god.



ZA IZVRŠIOCA

*Simović*

Broj: 9717  
Sarajevo, 13.06.2017.

